

ԳԻՏՈՒԹՅԱՆ ԶԱՐԳԱՑՈՒՄԸ ՍՈՎԵՏԱԿԱՆ ՀԱՅԱՍՏԱՆՈՒՄ
40 ՏԱՐՎԱ ԸՆԹԱՑՔՈՒՄ*

Վ. Հ. ՀԱՄԲԱՐՁՈՒՄՅԱՆ

Ընթացիկ տարվա նոյեմբերի 29-ին լրանում է Հայաստանում Սովետական իշխանության հաստատման քառասնամյակը:

Դժվարին պայմաններում ստեղծվեց Սովետական Հայաստանը: Պատերազմը, դաշնակների տեռորը, օտարերկրյա ինտերվենցիան ավերել էին երկիրը: Նրա հնագույն ժողովուրդը, որն առանց այն էլ արդեն խիստ նոսրացել էր, գտնվում էր իսպառ բնաջնջվելու վտանգի տակ:

Հայաստանի աշխատավորները Կոմունիստական պարտիայի ղեկավարությամբ իրենց ձեռքը վերցնելով երկրի ճակատագիրը, իրականացրին սոցիալիստական ուղյուցիան և, շնորհիվ Սովետական իշխանության հաղթանակի, հաստատեցին խաղաղության ու ստեղծագործական աշխատանքի հնարավորությունը: Սովետական ժողովուրդների եղբայրական բնտանիքում հայ ժողովուրդը երկար դարերի ընթացքում առաջին անգամ հնարավորություն ստացավ ծավալելու իր ստեղծագործական բոլոր ուժերը: Սկսվեց բնական հարստությունների պլանաչափ շահագործումը: Քառասուն տարում Հայաստանում ստեղծվեց ժամանակակից հզոր արդյունաբերություն, որն ընդգրկում է ծանր ինդուստրիայի այնպիսի ճյուղեր, ինչպես գունավոր մետալուրգիան, քիմիական արդյունաբերությունը, հաստոցաշինությունը և էլեկտրատեխնիկական արդյունաբերությունը: Հսկայական զարգացում ստացավ ռեսպուբլիկայի էներգետիկ տնտեսությունը:

Մեքենաներ ու ժամանակակից սարքեր համարյա չտեսած երկրից Հայաստանը դարձել է բազմատեսակ մեքենաներ ու սարքեր արտահանող ռեսպուբլիկա: Նրա ինստիտուտներում ու ձեռնարկություններում ստեղծվում և արտադրության մեջ են ներդրվում մեծ արագությամբ դոքժոդ էլեկտրոնային հաշվիչ մեքենաներ, ամենաբարդ գիտական սարքեր:

Շատ են առաջ դնացել սոցիալիստական դյուղատնտեսությունը, թեթև և սննդի արդյունաբերությունը: Քառասուն տարում մի քանի անգամ աճել ու ամրապնդվել է Սովետական Հայաստանի բանվոր դասակարգը, որը Սովետական տերության փառապանծ բանվոր դասակարգի ջոկատներից մեկն է: Ստեղծվել է սովետահայ ինտելիգենցիայի մեծ բանակ:

* Սովետական Հայաստանի քառասնամյակին նվիրված Սովետական Միության, Հայաստանի, Վրաստանի և Ադրբեյջանի Գիտությունների ակադեմիաների միացյալ հանդիսավոր նիստում կարգադրվեց հետևյալի:

• Նիստը կայացել է 1960 թ. հոկտեմբերի 25-ին, Երևանի Հայֆիլհարմոնիայի Մեծ դահլիճում:

Ինչպես Սովետական Միության այլ ռեսպուբլիկաներում, Հայաստանում ևս տեսնում ենք կուլտուրայի իսկական ծաղկում և գիտության արագ զարգացում:

Հայաստանը այդ բոլոր նվաճումների համար պարտական է Սովետական Միության Կոմունիստական պարտիային և նրա մարտական ջոկատներից մեկին՝ Հայաստանի Կոմունիստական պարտիային, սովետական բոլոր ժողովուրդների եղբայրական օգնությանը և կոմունիզմի կառուցման համար պայքարող աշխատավորական լայն մասստների հսկայական ստեղծագործական խանդավառությանը:

*
*
*

Գիտության զարգացումը Սովետական Հայաստանում ստեղծագործական այն հսկայական աշխատանքի արտահայտություններից մեկն է, որը ծավալվել է ռեսպուբլիկայում նրա ղեկավար քառասուն տարիների ընթացքում:

Հայ ժողովուրդը իր բազմադարյան պատմության ընթացքում, չնայած կյանքի շտեմնված դժվարին պայմաններին, աշխարհին տվել է բազմաթիվ ականավոր գիտնականներ և հետազոտողներ, որոնք գիտությունը հարստացրել են մեծարժեք աշխատություններով: Հինգերորդ դարի պատմիչ Մովսես Խորենացու կլասիկ աշխատությունները ընդմիշտ կմնա որպես այդ դարաշրջանի գիտական մտքի առավել աչքի ընկնող կոթողներից մեկը: Հայկական ճարտարապետության անմահ հուշարձանները վկայում են դրանց կառուցողների խոր գիտելիքների մասին՝ մեխանիկայի ու երկրաչափության բնագավառում: Մաթեմատիկական գիտելիքների բարձր մակարդակի մասին են վկայում Անանիա Շիրակացու և Հայաստանի միջնադարյան մյուս մաթեմատիկոսների մինչև մեր օրերը պահպանված երկերը:

Սակայն ինքնուրույն պետականության կորուստը, օտարերկրյա նվաճողների տիրապետության բազմադարյան ժամանակաշրջանը և եկեղեցու մոլեգին խափարամտությունը առաջ բերին գիտական զարգացման արգելակում: Արտասահմանյան հայկական գաղթավայրերի առաջացման և նույնիսկ որոշ զարգացման հետևանքով ստեղծվեց հայկական տպագրությունը, հրապարակ եկան աշխարհագրության ու բնագիտության վերաբերյալ մի շարք առավելապես կոմպիլյատիվ բնույթի գրվածքներ: Սակայն ժողովրդի ստեղծագործական միտքը զարգացման լայն հնարավորություններ չունեցավ:

Միայն Արևելյան Հայաստանի միացումը Ռուսաստանին XIX դարի սկզբներին հայ երիտասարդության առաջ զգալի հնարավորություններ բացեց գիտական կրթություն ստանալու, իսկ առանձին դեպքերում՝ նաև ստեղծագործական գիտական լայն աշխատանք կատարելու համար: Ռուսաստանին միանալուց հետո է, որ մեծ դեմոկրատ ու լուսավորիչ Խաչատուր Աբովյանը և ապա ականավոր ռևոլյուցիոն-դեմոկրատ Միքայել Նալբանդյանը հրապարակ են գալիս խափարամոլության դեմ, հանուն լուսավորության, հանուն գիտության: Հայ երիտասարդության շարքերում ուժեղ ձգտում է սկսվում դեպի գիտությունը, դեպի համալսարանները: Արդեն XIX դարի վերջերին և XX դարի սկզբներին ռուսական համալսարաններում մենք հանդիպում ենք Հայաստանից եկած առանձին գիտական աշխատողների: Նրանց թվումն են հայտի հանքարան, Ռուսաստանի Գիտությունների ակադեմիայի թղթակից-անդամ Անդ-

րեաւ Արծրունին, որի անունով է կոչւում արծրունիտ միներալը, Կազանի համալսարանի պրոֆեսոր, բանասեր Ստեփանոս Նազարյանը, պատմաբան Ն. Աղոնցը: Այդ խմբի մեջ պետք է դասել ռեուլյուցիայից առաջ իրենց աշխատանքը գեո նոր սկսած, բայց միայն սովետական շրջանում հասունացած և որպէս խոշոր գիտնականներ ձևավորված ակադեմիկոս Լ. Ա. Սրբելուն, բժիշկներ պրոֆեսոր Մ. Ի. Աստվածատուրովին և Ա. Ս. Քեչեկին:

Սակայն բուն Հայաստանում գիտական աշխատանքի համար պայմանները շարունակում էին մնալ չափազանց աննպաստ: Հայաստանի տերիտորիայում չկար ոչ մի բարձրագույն ուսումնական հաստատություն կամ գիտական հիմնարկ:

Հայաստանում Սովետական իշխանության հաստատումից հետո Երևանում իսկույն հիմնվեց Երևանի Պետական համալսարանը, որը դարձավ երիտասարդ ռեսպուբլիկայի գիտական մարքի առաջին օջախը: Արագ կերպով աճող ժողովրդական տնտեսությունը պահանջեց հետազայում կազմակերպել տարբեր մասնագիտությունների բազմաթիվ կադրերի պատրաստումը: Ուստի երեսնական թվականների սկզբից հիմնվեցին նոր բարձրագույն ուսումնական հաստատություններ, երևան եկան նաև առաջին գիտա-հետազոտական ինստիտուտները: Հատկապէս քսանական և երեսնական թվականներին իր ծաղկմանն է հասնում գիտնական հայագետների, հետազայում Հայկական ՍՍԻ Գիտությունների ակադեմիայի իսկական անդամների փայլուն համաստեղության: Հրաշյա Լճառյանի, Ստեփանոս Մալխասյանցի, Մանուկ Արեղյանի և Հակոբ Մանանդյանի գործունեությունը: Նրանց գործունեության նշանակությունը հաճախ դուրս է գալիս հայագիտության սահմաններից: Այդ հատկապէս վերաբերում է խոշորագույն սովետահայ լեզվաբան, հայերենի յոթնատորանոց արմատական բառարանի, անձնանունների քառահատոր բառարանի, հայ լեզվի երկհատոր պատմության և 562 լեզվի համեմատությամբ հայերենի լիակատար քերականության բազմահատորյակի հեղինակ Հրաշյա Լճառյանին: Շնորհիվ իր բացառիկ աշխատասիրության ու մեծ բարեխղճության, Լճառյանը կուտակեց ու մշակեց խիստ արժեքավոր գիտական նյութեր, որոնք մինչև այժմ էլ լուրջ հետաքրքրություն են ներկայացնում:

Նույն այդ ժամանակաշրջանում Ս. Պ. Ղամբարյանի աշխատանքով ստեղծվում է հայ քիմիկոսների զարուցը, իսկ ինժեներ Լ. Ա. Աստվածատրյանի ջանքերով՝ հայ հիդրոտեխնիկ-շինարարների զարուցը:

Սովետական Հայաստանի առաջին երկու տասնամյակների ընթացքում ռեսպուբլիկայի երիտասարդ գիտական մարքի ուղադրությունը կենտրոնացաւ էր այն խնդիրների վրա, որ առաջադրում էին ռեսպուբլիկայի ժողովրդական տնտեսությունը և հայ ժողովրդի կուլտուրայի զարգացման ընթացքը:

Ստեղծվող գիտական նոր հիմնարկներում աշխատում էին ինչպէս Հայաստանի բուհերի սաները, այնպէս էլ բարձրագույն կրթություն ստանալու համար մեր Հայրենիքի խոշորագույն գիտական կենտրոնները՝ Մոսկվա և Լենինգրադ գնացած երիտասարդությունը: Երիտասարդ գիտական աշխատողներից շատերն այդ կենտրոններում ավարտեցին ասպիրանտուրաները:

Սակայն կյանքը գիտության անհամեմատ ավելի արագ վերելք էր պահանջում: Անհրաժեշտ էր տեղական գիտական կադրերին օգնել գիտական աշխատանքն ավելի լայն շափերով կազմակերպելու գործում: Այդ օգնությունը ցույց տրվեց ՍՍՌՄ Գիտությունների ակադեմիայի Հայկական ֆիլիալ (Արմ-

ֆան) կազմակերպելու միջոցով: Արմֆանի առաջին նախագահն էր սովետական հայտնի երկրարան, ակադեմիկոս Ֆ. Յու. Լեինսոն-Լեսինգը, որը շատ ժամանակ էր նվիրել ուսուցիչական կատարվող երկրարանական հետազոտություններին: Շուտով այդ պաշտոնում նրան փոխարինեց ակադեմիկոս Հովսեփ Արզարի Օրբելին, որը լավ հայտնի է Հայաստանի հնագիտության և լեզվաբանության վերաբերյալ իր փայլուն աշխատություններով: Արմֆանի սիստեմում հումանիտար գիտությունների հետ միասին սկսեցին ավելի ինտենսիվորեն մշակվել քիմիան, բուսաբանությունը, կենդանաբանությունը, հողագիտությունը, բուսաբուծությունը: Թույլ էին ներկայացված կամ համարյա չէին ներկայացված ֆիզիկա-մաթեմատիկական գիտությունները, սակայն այդ բնագավառում ուժեղացվեց կադրերի պատրաստումը:

Արդեն երկրորդ համաշխարհային պատերազմին անմիջապես նախորդած տարիներին փաստորեն նախապատրաստական աշխատանք էր կատարվում Հայկական ՍՍՌ Գիտությունների ակադեմիա ստեղծելու ուղղությամբ: Թեև Հայրենական պատերազմը պահանջեց մեր ժողովրդի բոլոր ուժերի լարում, Գիտությունների ակադեմիա ստեղծելու հարցը չհետաձգվեց: ՍՍՌԿ Ժողովրդական Կոմիսարների Սովետի որոշումներով 1943 թվականի նոյեմբերին կազմակերպվեց Հայկական ՍՍՌ Գիտությունների ակադեմիան: Այդ լարված ժամանակաշրջանում Գիտությունների ակադեմիա կազմակերպելու մասին ընդունված որոշումը ամբողջ հայ ժողովուրդն ընկալեց սրպես իր նվիրական երազանքների իրագործում, որպես ուսուցիչական գիտության զարգացման ուղղությամբ կատարված նախապատրաստական զգալի աշխատանքի արդյունք և որպես հայ ժողովրդի կուլտուրայի հետագա զարգացման գործում Կոմունիստական պարտիայի մեծ հոգատարության արտահայտություն:

Իրենց ուսուցիչական Ակադեմիայի կազմակերպման ժամանակաշրջանը հիշելով, Հայաստանի գիտնականները մեծ երախտագիտությամբ են նշում այն վիթխարի աշխատանքը, որ ՍՍՌԿ Գիտությունների ակադեմիան կատարեց Հայաստանում գիտությունը զարգացնելու և անհրաժեշտ գիտական կադրեր դաստիարակելու ջրղղությամբ: Ռուս խոշորագույն գիտնականները զալիս էին Հայաստան և անմիջականորեն ղեկավարում մեր երիտասարդ գիտնականների հետազոտությունները: Ոչ միայն մեր գիտական աշխատողները, տյլև Հայաստանի բոլոր աշխատավորները լավ հիշում են ականավոր գիտնականներ Նիկոլայ Յակովլևիչ Մառին, Նիկոլայ Իվանովիչ Վավիլովին և Վլադիմիր Լեոնտևիչ Կոմարովին, որոնք Հայաստանում կատարած իրենց աշխատանքով առանձնապես նպաստեցին գիտության զարգացմանը:

Ակադեմիայի աշխատանքներն սկսվելու պահին ուսուցիչական գիտական կյանքի տարրեր ճյուղերում իրերի դրությունը կարելի է բնորոշել այսպես.

1) Հասարակական գիտությունների բնագավառում—խոշոր գիտնականների առկայություն, որոնք պատմության, լեզվի և գրականության հարցերի ուղղությամբ աշխատանք էին կատարում Սովետական Միության գիտական խոշորագույն զարգացների մակարդակին մոտ մակարդակով:

2) Քիմիայի և երկրաբանության բնագավառում—երիտասարդ գիտնականների արագորեն աճող խմբի առկայություն, ընդ որում աշխատանքի ընդհանուր մակարդակն այն ժամանակ ղեկավարները զիջում էր մեր Միության առաջավոր հիմնարկների մակարդակին:

3) Կենսաբանության և գյուղատնտեսական գիտության բնագավառում — գիտական հիմնարկների համեմատաբար լայն ցանցի առկայություն, առանձին փորձված աշխատողներով:

4) Ֆիզիկա-մաթեմատիկական ու տեխնիկական գիտությունների բնագավառում — երիտասարդ, ղեկավարվող աշխատողների չափավոր փոքրաթիվ խմբի առկայություն: Այս երկու ուղղություններով ակադեմիան կազմակերպման շրջանում ուներ ղեկ շատ թույլ երկու գիտական հիմնարկ՝ Ֆիզիկայի ինստիտուտը և Նրևանում տեղավորված փոքր աստղադիտարանը:

Հաշվի առնելով իրերի այդ վիճակը և արդյունաբերության արագ զարգացումը, Գիտությունների ակադեմիան պետք է առաջին հերթին ուշադրություն դարձնել ֆիզիկա-մաթեմատիկական և տեխնիկական գիտությունների զարգացման վրա: Նվ եթե այսօր Հայաստանի Գիտությունների ակադեմիայի գեմբը հիմնականում հենց այդ ուղղություններն են բնորոշում, ապա այդ նրանց զարգացման գծով վերջին 16 տարում կատարված համառ ու բեղմնավոր աշխատանքի արդյունքն է: Ֆիզիկա-մաթեմատիկական գիտությունների այն ճյուղերի հենց միայն թվարկումը, որոնց ուղղությամբ ակտիվ հետազոտական աշխատանք է կատարվում, կարող է որոշ չափով բնութագրել գիտելիքների այդ բնագավառում գոյություն ունեցող դրությունը: Հայաստանում ներկայումս մշակվում են տարրական մասնիկների ֆիզիկայի, միջուկային ֆիզիկայի, տեսական ֆիզիկայի, աստրոֆիզիկայի, աստղաբաշխության, ռադիոաստղագիտության, ռադիոֆիզիկայի, մաթեմատիկայի, հաշվողական տեխնիկայի, կիրառական տեխնիկայի, առաձգականության տեսության, պլաստիկության տեսության, հիդրոդինամիկայի և այլ հարցեր, ընդ որում այդ ճյուղերից շատերում աշխատանքը կատարվում է գիտական ճակատի ամենաառաջին գծում և հաճախ տալիս է հաջող արդյունքներ:

Այս կարևոր բնագավառում գիտական աշխատանքի մակարդակի ու հաջողությունների մասին է վկայում, իմիջիայլոց, նաև մի շարք փորձնական խոշոր տեղակայքների ստեղծումը, որոնցից շատերը եղակի են: Այսպես, կոսմիկական ճառագայթներն ուսումնասիրելու համար ստեղծվել են խոշորագույն մագնիսային մասս-սպեկտրաչափներ: Հայաստանում ներկայումս աշխատում է Միության մեջ ամենախոշոր ինտերֆերենցիոն ռադիոհեռագիտակը, որը ծառայում է ռադիոճառագայթման շատ թույլ զիսկրետ աղբյուրները գիտելու համար: Տեղակայված են հզոր լայնանկյուն օպտիկական հեռագիտակներ՝ աստղաբաշխության գծով հետազոտություններ կատարելու համար: Աշխատում են արագագործ ունիվերսալ-էլեկտրոնային հաշվիչ մեքենաներ: Աշխատանքներ են կատարվում էլեկտրոնների օդակավոր արագացուցիչ կառուցելու համար, որը տալու է 6 միլիարդ էլեկտրոն-վոլտ էներգիայով մասնիկներ:

Ֆիզիկա-մաթեմատիկական գիտությունների ուղղությամբ ամենամեծ նվաճումը պետք է համարել կադրերի ստեղծումը, որոնք ընդունակ են ոչ միայն այդքան բարձր տեխնիկական մակարդակով հետազոտություններ կատարելու, այլ նաև նման տիպի ժամանակակից տեղակայքներ ստեղծելու: Այսպես, վերոհիշյալ ինտերֆերենցիոն հզոր ռադիոհեռագիտակը ամբողջովին պատրաստվեց Հայկական ՍՍՌ Գիտությունների ակադեմիայի սարքաշինական լաբորատորիայի և Բյուրականի աստղադիտարանի ռադիոաստղագիտության բաժնի համատեղ ջանքերով: Մեր ռեսուրսիկայի գիտնականներն ու ինժեներները նախագծում ու կառուցում են հզոր էլեկտրոնային հաշվիչ մեքենաներ,

այդ թվում՝ ամբողջովին կիսահաղորդիչներով աշխատող մեքենաներ։ Մեր էլեկտրատեխնիկները ստեղծել են մաթեմատիկական մի մեծ մեքենա-անալոգ, որը թույլ է տալիս երևույթները մոդելացնել ու հետազոտել այնպիսի բարդ էլեկտրաէներգետիկ սիստեմներում, ինչպես Անդրկովկասի միացյալ էներգո-սիստեմը և ուրիշները։ Էլեկտրոնների մեծ արագացուցիչի ֆիզիկական նախագծման ամբողջ աշխատանքը կատարվել է Հայկական ՍՍՌ Գիտությունների ակադեմիայի Ֆիզիկայի ինստիտուտում։ Ենթադրվում է, որ հետագայում ևս պիտի ընդլայնվի սեփական ուժերով խոշոր էքսպերիմենտալ տեղակայքներ ու ժամանակակից ճշգրիտ սարքեր ստեղծելու պրակտիկան։ Դրան մեծ շափով պետք է նպաստի վերջին տարիներին Հայաստանում զգալի սարքաշինական արդյունաբերության ստեղծումը։

Ռեսպուբլիկայի ժողովրդական տնտեսությունը բարձր պահանջներ է առաջադրում Հայաստանի բնական հարստությունները հետազոտելու ուղղությամբ։ Այդ պատճառով Գիտությունների ակադեմիան շարունակ ուշադրություն է դարձնում երկրաբանական հետազոտությունների զարգացման վրա։ Ընդամենը, բնականաբար ուշադրության կենտրոնում պետք է գտնվեն հանքային երկրաբանության պրոբլեմները, քանի որ Հայաստանի հանածո հարստությունների մեջ առավել արժեքավոր են հազվագյուտ ու զուլումավոր մետաղների հանքավայրերը։

Գիտությունների ակադեմիայի երկրաբանների հետազոտությունների և երկրաբանական վարչության անցած տարիներին ծավալած մեծ աշխատանքների զլխավոր արդյունքն են հանքային և ոչ հանքային հանածոների հին հանքավայրերի արմատական վերագնահատումը և նոր, շատ հարուստ հանքավայրերի հայտնադործումը։ Դրա հետևանքով Հայաստանը, չնայած իր տերիտորիայի փոքրությանը, դարձավ Սովետական Միության ամենահարուստ գանձարաններից մեկը։ Խոսքը վերաբերում է մոլիբդենի և ռենիումի հանքավայրերին, պղնձի երկրաբանական պաշարները մի քանի անգամ ավելացնելուն, ոսկու հանքավայրերին, նեֆելինային սիենիտների անսահմանափակ պաշարներին, որոնք մեր քիմիկոսների ու տեխնոլոգների համատեղ արդյունավետ ջանքերի ջնդրհիմ շահավետ հումք են դարձել ալյումինի և քիմիական արդյունաբերության համար, խոսքը վերաբերում է քարաղի, մարմարի, տուֆերի, պեմզայի, պերլիտների հսկայական պաշարներին և այլն։

Այդ բոլոր հարստությունները հնարավորություն են տալիս ասպագայում մի քանի անգամ ընդլայնելու զուլումավոր մետալուրգիան, շինարարական նյութերի արդյունաբերությունը և քիմիական արդյունաբերությունը։

Բնական է, որ Հայաստանում դեռ Գիտությունների ակադեմիայի ստեղծվելուց առաջ, լուրջ ուշադրություն է դարձվել քիմիական գիտության՝ որպես ժամանակակից քիմիական տեխնոլոգիայի հիմքի զարգացման վրա, որը բնական ռեսուրսներն ավելի լայն օգտագործելու հնարավորություններ է ընձևում։ Ներկայումս Գիտությունների ակադեմիայի և ռեսպուբլիկայի ժողովրդական Տնտեսության Խորհրդի սիստեմում աշխատում են չորս խոշոր քիմիական հետազոտական ինստիտուտներ, չհաշված ձեռնարկություններին առընթեր մի շարք ինքնուրույն լաբորատորիաները։ Մատնանշված ինստիտուտները կոմպլեկտավորված են բարձրորակ գիտնական քիմիկոսներով, որոնք աշխատում են անօրգանական քիմիայի, մասնավորապես սիլիկատների քիմիայի, օրգանական սինթեզի, պոլիմերների քիմիայի, կենսաբանորեն ակտիվ միացու-

թյունների, հաղվագյուտ տարրերի քիմիայի բնագավառում: Գիտնական քիմիկոսները լուրջ ավանգ են մտցնում ոչ միայն մեր ռեսպուբլիկայի, այլև ամբողջ Միության քիմիական արդյունաբերության հետագա զարգացման մեջ:

Տեխնիկական գիտությունների բնագավառում պետք է նշել էներգետիկայի, էլեկտրատեխնիկայի, մաթեմատիկական մեքենաշինության, հիդրավլիկայի, հիդրոտեխնիկայի և շինարարական գործի բնագավառում կատարվող լայնածավալ հետազոտությունները: Դրա հետ մեկտեղ, պետք է ասել, որ մեղմոտ հետազայում առանձնապես պետք է ուշադրություն դարձնել այնպիսի ճյուղերի ծավալման վրա, ինչպիսիք են ռադիոտեխնիկան, կիսահաղորդիչների ուսումնասիրությունը և ավտոմատիկ կանոնավորման տեսությունը, որոնք հատկապես կարևոր են մեր արդյունաբերության նոր ճյուղերի համար:

Բիոլոգիական գիտությունների բնագավառում հետազոտություններն սկսվել էին դեռևս քսանական թվականներին: Սկզբում նրանք կրում էին գրեթե բացառապես նկարագրական բնույթ, քանի որ հետազոտությունների նպատակն էր գլխավորապես ուսումնասիրել ռեսպուբլիկայի բուսական ու կենդանական աշխարհը: Բիոլոգիական գիտությունների զարգացման այդ առանձնահատկությունը շարունակվում է նաև մինչև հիմա: Սակայն, վերջին տարիներս ավելի ու ավելի են ուժեղանում էքսպերիմենտալ, այդ թվում նաև քիմիական ու ֆիզիկական մեթոդներով կատարվող հետազոտությունները: Առանձնապես պետք է նշել բիոքիմիայի, բույսերի ֆիզիոլոգիայի և կենդանիների ֆիզիոլոգիայի, միկրոբիոլոգիայի և ռադիոբիոլոգիայի վերաբերյալ աշխատանքների զարգացումը: Մեծ ուշադրություն է դարձվում կենդանի օրգանիզմների վրա տարրեր քիմիական կազմություն ունեցող նյութերի ներգործման պրոբլեմին:

Արդեն քսանական ու երեսնական թվականներին Հայաստանում ստեղծվեցին մի շարք գյուղատնտեսական փորձնական ու հետազոտական հիմնարկներ: Ժամանակի ընթացքում փորձնական հիմնարկների բաղադրյալ վրա կազմակերպվեցին հողագործության, կենդանաբուծության, խաղողարուծության և գինեգործության խոշոր գիտական ինստիտուտներ, ստեղծվեց նաև ագրոքիմիայի մեծ լաբորատորիա: Այդ ինստիտուտների աշխատանքը սերտորեն կապված է սլրակտիկայի սլահանջմունքների հետ: Այդ գիտական կազմակերպությունների աճմանը ղուգընթաց նկատվում է նրանց գործունեության մեջ առավել նուրբ ֆիզիկա-քիմիական մեթոդներ ներդնելու ավելի լայն տենդենց, ինչպես նաև ավելի ու ավելի սերտ մոտեցում գյուղատնտեսական սլրակտիկային:

Բժշկական գիտությունների բնագավառում նկատվում է նույն տենդենցը՝ ռենտգենոլոգիական, ռադիոբիոլոգիական, բիոքիմիական և ուրիշ ավելի նուրբ մեթոդների վրա հիմնված աշխատանքների ուժեղացում: Քանի որ ժամանակակից բժշկության մեջ ֆիզիկական, քիմիական և կիրերնետիկական մեթոդների դերը շարունակ ուժեղանում է, ապա կասկած չկա, որ Հայաստանում արագ զարգացող ֆիզիկա-մաթեմատիկական ու քիմիական գիտությունների ներգործությունը կհանգեցնի բժշկական հետազոտությունների ղգալի վերելքի ու նոր ծաղկման:

Անցնելով հասարակական գիտությունների զարգացման հարցին, պետք է նշել, որ մի ժամանակ ռեսպուբլիկայի հասարակական գիտությունների աշխատողների մի մասի մեջ տարածված էր այն սխալ կարծիքը, թե այդ գիտու-

թյունների ուղղութիւնով աշխատանքները պետք է սահմանափակվեն միայն և կամ գլխավորապէս հայագիտութեամբ: Իսկ նշանակում էր ամենափոքր դժվարութիւնների ուղիով ընթանալ, քանի որ հայագիտութեան բնագավառում մեզ մոտ կային պատրաստի տրագիցիաներ ու կադրեր: Սակայն ռեսպուբլիկայի բոլոր կերպով վարդապետ տնտեսութիւնը պահանջեց ընդլայնել հետազոտութիւնները սոցիալիստական արդյունաբերութեան և գյուղատնտեսութեան էկոնոմիկայի բնագավառում: Մասնավորապէս, հաջող կերպով մշակվեցին կոնկրետ էկոնոմիկայի մի շարք հարցեր: Սկսվեցին առաջին հետազոտութիւնները արեւելագիտութեան ու փիլիսոփայութեան գծով: Մեր հնագետների հաջողութիւնները նշանակութիւն ունեցան ոչ միայն հայագիտութեան, այլ ամբողջ Հին Արեւելքի պատմութեան համար: Հայկական արվեստի պատմութիւնը հետազոտողները սկսեցին ավելի մեծ ուշադրութիւն դարձնել ժամանակակից կիրառական արվեստի ու սովետական ճարտարապետութեան հարցերի վրա:

Այդ ամենը ոչ միայն չնվազեցրեց հայագիտական աշխատանքների նշանակութիւնը, այլ ընդհակառակը, հանգեցրեց հայագիտութեան բոլոր ճյուղերի, այդ թվում՝ Հայաստանի պատմութեանը, հայոց լեզվին և նրա բազմաթիւ բարբառներին, հայ գրականութեանն ու արվեստին նվիրված ուսումնասիրութիւնների իսկական ծաղկմանը: Եթէ մի ժամանակ արտասահմանում հայագիտութեան վերաբերյալ աշխատութիւնները որոշ չափով մրցում էին բուն Հայաստանի հայագետների հետազոտութիւնների հետ, ապա այժմ արտասահմանում կատարվում է հայագիտական հետազոտութիւնների միայն մի աննշան մասը: Իսկ նրանց ճնշող մեծամասնութիւնը մարքսիստական-լենինյան առաջավոր դիրքերից կատարվում է Սովետական Հայաստանում: Հենց այդ է մեր հայագետների անփնտռելի ծառայութիւնը:

Այսպէս, ուրեմն, եթէ Սովետական Հայաստանի գոյութեան առաջին քսանամյակի ընթացքում մեզ մոտ ստեղծվեց գիտութիւնն իր ժամանակակից ձևերով, երևան եկան որակյալ գիտական կադրեր և ձևաբերվեցին հետազոտական աշխատանքի առաջին հաջողութիւնները, ապա հաջորդ քսանամյակի ընթացքում, կիրառվող մեթոդների և խոր հետազոտութիւնների տեսակետից գիտութիւնը մի շարք ճյուղերում սկսեց մոտենալ համաշխարհային գիտութեան բարձր մակարդակին, այն միակ մակարդակին, որը վաշել է սովետական գիտութեանը:

Սակայն ռեսպուբլիկայի ժողովրդական տնտեսութեան ինչպէս հին, այնպէս էլ նոր, շատ առաջավոր ճյուղեր մեզանից պահանջում են գիտական հետազոտութիւնների է՛լ ավելի մեծ ծավալում, մեծ արտադրողականութիւն, է՛լ ավելի շատ գիտական արգասիքներ: Ինչպէս իրավացիորեն նշել է ՍՍՌՄ Գիտութիւնների ակադեմիայի պրեզիդենտ, ակադեմիկոս Ա. Ն. Նեսմեյանովը, գիտութեան մեջ, ավելի քան մարդու գործունեութեան որեւէ այլ բնագավառում, արդարացի է այն կանոնը, թե պետք է հաղթել ոչ թէ թվով, այլ հմտութեամբ: Առավել ևս այդ կանոնը արդարացի է այն հսկայական խնդիրների նկատմամբ, որոնք ծառացած են սովետական գիտութեան առջև առաջիկա 15—20 տարում:

Գոմունիստական պարտիան և Սովետական կառավարութիւնը ստեղծել ու ստեղծում են բոլոր պայմանները, որպէսզի Հայաստանի գիտնականները հաջողութեամբ մասնակցեն այդ խնդիրների լուծմանը:

* * *

Ինչպես արդեն հիշատակվեց, հասարակական գիտությունների բնագավառում գիտական աշխատանքն առաջին էտապում համակենտրոնանում էր Հայաստանի պատմության, գրականագիտության, հայոց լեզվի, հայկական արվեստի և այլ հարցերի շուրջը: Հետագայում նոր կադրերի երևան գալու, նրանց գիտական մակարդակը բարձրանալու շնորհիվ սկսեցին մշակվել հայագիտության շրջանակներից դուրս եկող շատ հարցեր:

Սովետական իշխանության առաջին տարիներին գիտական ուժերը համարված էին զլխավորապես Երևանի Պետական համալսարանում: Նրանց թվում կային մի շարք խոշոր գիտնականներ, որոնք իրենց գիտական պատրաստությունը ստացել էին Ռուսաստանում և արտասահմանում դեռևս ռեպուտացիայից առաջ: Նրանք բոլորը խանդավառությամբ դիմավորեցին այն լայն հնարավորությունները, որ Սովետական իշխանությունը տալիս էր գիտական աշխատանքի համար: Նրանց հսկայական աշխատանքի արդյունքները, ինչպես կադրերի պատրաստման, այնպես էլ նոր հետազոտությունների բնագավառում, ցույց տվին, որ գիտության այդ զործիշները իրենց ամբողջ էներգիան նվիրել են Սովետական Հայրենիքին ծառայելու գործին:

Մեր ականավոր լեզվաբան Հրաչյա Աճառյանի կատարած աշխատությունների մեջ պետք է նշել Երկհատոր «Հայոց լեզվի պատմությունը», յոթհատորանոց «Արմատական բառարանը» հայոց լեզվի դանազան, զլխավորապես արևմտահայ բարբառներին նվիրված մի շարք մենագրությունները, քառահատոր «Անձնանունների բառարանը» և շատ ուրիշներ: 1953 թվականին մեղնից հեռացած այդ ականավոր գիտնականի էներգիան, աշխատասիրությունն ու բարեխղճությունը միշտ օրինակ են ծառայելու մեր գիտական երիտասարդության համար:

Այստեղ պետք է հիշել նաև ակադեմիկոս Ստեփանոս Մալխասյանցին, որը տվեց Մովսես Խորենացու նոր թարգմանությունը և կազմեց հայոց լեզվի մոնոմենտալ քառահատոր բացատրական բառարանը, ակադեմիկոս Հակոբ Մանանդյանին՝ «Քննական տեսություն հայ ժողովրդի պատմության», «Ֆեոդալիզմը Հայաստանում» և այլ աշխատությունների հեղինակին, հայտնի պատմաբան Լեոյին, որը դրեց «Հայոց պատմություն» աշխատությունը երեք հատորով և Հայաստանում ազատագրական գաղափարների պատմությանը նվիրված Երկհատորյակը, ակադեմիկոս Մանուկ Աբեղյանին՝ «Հայոց հին գրականության պատմության», գուսանական երգերին նվիրված հետազոտությունների և այլ աշխատությունների հեղինակին, Խաչիկ Սամվելյանին, Գարեգին Լևոնյանին, ակադեմիկոս Արսեն Տերտերյանին և ակադեմիկոս Գրիգոր Ղափանցյանին:

Ինչպես հայտնի է, ոչ բոլոր այդ գիտնականներին հաջողվեց կանգնել հետևողական մարքսիստական դիրքերում: Այդ բանի վրա բազմիցս ուշադրություն է դարձրել մեր գիտական ֆննդատությունը: Բայց նույնիսկ ամենախիստ ֆննդատները, իրավացիորեն նշելով այդ թերությունը, նախազգուշացրել են, որ չպետք է թերազնահատել այն հսկայական կոնկրետ արդյունքները, որոնք ստացվել են այդ գիտնականների աշխատություններում: Գիտնական հագեցվածների միայն հաջորդ սերնդին հաջողվեց ամբողջապես կանգնել հետևողա-

կան մարքսիստական-լենինյան դիրքերում, ավելի խոր վերլուծել բազմաթիվ կոնկրետ տվյալները և նրանց տալ տեսական պատշաճ բացատրություն, խուսափել, օրինակ, այնպիսի սխալներից, երբ, հետևելով բուրժուական պատմաբանների տրադիցիաներին, Հայաստանի պատմության ամենաժանր շրջաններից մեկը՝ մեր թվականության V դարը բնորոշվում էր որպես հայկական կուլտուրայի ոսկեդար, մինչդեռ հայտնի է, որ հենց այդ ժամանակաշրջանում անկախությունից զրկված հայ ժողովուրդը ենթարկվել է շտեմնաված տառապանքների, տանջվելով օտարերկրյա աշխարհակալների և սեփական շահագործողների դարշապարի տակ:

Ժամանակի ընթացքում այդ տեսակ սխալներն ավելի ու ավելի հազվադեպ էին դառնում, իսկ գիտական հետազոտություններն ավելի խորն էին վերլուծում հսկայական փաստացի նյութը, որ ձեռք էին բերել հայագետները լեզվի, գրականության, արվեստի ու պատմության ուսումնասիրման բնագավառում:

Մենք կարող ենք հաստատել, որ վերջին տարիների հայագիտական հետազոտությունները, որպես կանոն, արժեքավոր են ոչ միայն բազմաթիվ նոր փաստերի հայտնաբերման ու բացահայտման, այլև բարձր գաղափարատեսական մակարդակի իմաստով:

Լ ե զ Վ ա բ ա ն ու թ յ ու մ: Խոշոր, գործնական ու գիտական նշանակություն ունեւ ուս-հայերեն և հայ-ուսերեն մի ամբողջ շարք բառարանների ստեղծումը: Հայոց լեզվի հետագա զարգացման համար առանձնապես խոշոր նշանակություն ունեցավ ուս-հայերեն քառահատոր մեծ բառարանի հրատարակումը: Ներկայումս հրատարակման համար պատրաստվում են ուս-հայերեն և հայ-ուսերեն մասնագիտական շատ բառարաններ:

Ակադեմիկոս Աճառյանի կազմած արժեքավորագույն բառարանների մասին արդեն վերելում խոսվեց: Հայոց լեզվի մեծ, քառահատոր բացատրական բառարանը, որ կազմել է ակադեմիկոս Ստեփանոս Մալխասյանցը, մինչև այժմ հրատարակված հայերեն բոլոր բառարաններից ամենալիակատարն է: Սակայն մեր լեզվաբանները չեն հանգստանում դրանով: Սկսելով հայերեն բառերի՝ միլիոնավոր քարտերից բաղկացած հսկայական քարտարանի կազմումը, նրանք հույս ունեն հայոց լեզվի բառարանային ֆոնդի ուսումնասիրումը էլ ավելի բարձր մակարդակի հասցնելու: Հատուկ ուշադրություն է նվիրվում հայոց լեզվի բարբառների ուսումնասիրմանը: Հրապարակվել են առանձին բարբառներին նվիրված բազմաթիվ մենագրություններ: Բարբառների ուսումնասիրման գործում, ակադեմիկոս Աճառյանի աշխատանքների հետ միասին, մեծ տեղ են գրավում ակադեմիկոս Ա. Ղարիբջանի և այլ հետազոտողների աշխատությունները: Այդ հետազոտությունների զգալի արդյունքը եղավ գրականության մեջ մինչև այդ չարձանագրված քանհինգ նոր բարբառների հայտնաբերումը: Հայերեն բարբառների ուսումնասիրությունը, ինչպես պարզվել է, թույլ է տալիս ընդհանուր տեսական հետաքրքրություն ներկայացնող որոշ ընդհանրացումներ անել:

Վերջին տարիների ընթացքում կատարվել են հայերենի քերականության տարբեր հարցերին նվիրված բազմաթիվ լուրջ հետազոտություններ: Նրանք մեծ նշանակություն ունեն մեր գրական լեզվի հետագա զարգացման համար:

Գ ր ա կ ա ն ա գ ի տ ո լ յ ու ն: Անցած ժամանակաշրջանում կարևորագույն նվաճում է հայ գրականության սլատմության ու տեսության վերաբերյալ մարքսիստական-լենինյան աշխատությունների աստիճանական ստեղծումը: Գրականության մարքսիստական բմբռնումն ու վերլուծումը սկսանքում են կարևորագույն գրական երկերի ու գրականության սլատմության վերաբերյալ ամբողջ նյութի մանրազնին ու խոր ուսումնասիրություն: Ուստի բնական է, որ այդ ուղղությամբ ամենակարևոր քայլը սկսվեց է լինել հայ գրականության կլասիկների գիտական հրատարակությունը: Ինչպես հայտնի է, ռևոլյուցիայից առաջ հայ կլասիկների հրատարակման գործի գրությունը լավ չէր: Բավական է, օրինակ, հիշատակել, որ ռևոլյուցիայից առաջ ընթերցողին մատչելի է եղել մեծ դեմոկրատ, լուսավորիչ հաշատուր Արուսյանի երկերի միայն մեկ հատորը, մինչդեռ վերջին տասնհինգ տարում Գիտությունների ակադեմիայի հրատարակած Արուսյանի երկերի ժողովածուն պարունակում է նույնպիսի ծավալով արդեն տասը հատոր: Մեծ աշխատանք է կատարվել հայ կլասիկների երկերի տեքստաբանական մանրամասն ուսումնասիրության ուղղությամբ, որը օգնել է մեծ բարձրության հասցնելու մեր կլասիկների հրատարակությունների որակը: Որպես օրինակ կարելի է հիշատակել Արուսյանի «Վերք Հայաստանի» վեպի տեքստին նվիրված մի շարք մանրակրկիտ հետազոտություններ:

Արուսյանի երկերի հրատարակությունների հետ միասին աչքի ընկնող տեղ է գրավել բոցաշունչ ռևոլյուցիոն-դեմոկրատ Նալբանդյանի երկերի, Պոռչյանի, Աղայանի, Հովհաննես Բումանյանի, Հովհաննես Հովհաննիսյանի, Բաֆֆու, Վահան Տերյանի, Մուրացանի, Նար-Դոսի և այլ հեղինակների զբլվածքների գիտական հրատարակությունը: Իհարկե, այդ աշխատանքը դեռևս չի կարելի կատարյալ համարել, քանի որ մի կողմից շարունակում են երևան գալ նոր արխիվային նյութեր, իսկ մյուս կողմից կատարելագործվում են տեքստաբանական հարցերի վերլուծման մեթոդները: Այդ կապակցությամբ չի կարելի չնշել նաև Գրականության և արվեստի թանգարան ստեղծելու ահադին նշանակությունը, որտեղ սկսվում են հայ գրականության կլասիկների թողած ձեռագիր գանձերը:

Կլասիկների հրատարակությունը, իր հերթին, խթան ծառայեց նրանց ստեղծագործությանը նվիրված նոր քննադատական հետազոտությունների երևան գալուն: Որպես օրինակ մատնանշենք, որ վիսլասան Բաֆֆու երկերի տասնհատորանոց ժողովածուն հրատարակելուց հետո երևան եկան նրա ստեղծագործության տարբեր կողմերը լուսարանող զգալի քանակությամբ աշխատություններ:

Գրական փաստ սկսվեց է համարել այն հսկայական ուշադրությունը, որ մեր գրականագիտությունը նվիրել է ժամանակակից հայ գրականությանը: Մանրամասն քննարկման են ենթարկվել սովետահայ գրականության ականավոր վարպետների ստեղծագործությունները, սկսած Հակոբ Հակոբյանից, Ավետիք Իսահակյանից ու Եղիշե Չարենցից և վերջացրած հետպատերազմյան սերնդի երիտասարդ գրողներով: Երևան են եկել բանաստեղծության, ժամանակակից դրամատուրգիայի, պրոզայի և այլ առանձին հարցերին նվիրված մենագրություններ:

Այդ բոլորի հետ միաժամանակ լուրջ ուշադրություն է նվիրվել հին և միջնադարյան հայ գրողների հրատարակմանն ու ուսումնասիրմանը: Առանձին

ուշադրություն է դարձվել Նդիշեի, Գրիգոր Նարեկացու, Ֆրիկի, Քուչակի և ժյուսների երկերին: Մի քանի անգամ հրատարակվել են հայ մեծ բանաստեղծ Սալաթ-Նուվայի բանաստեղծությունները գիտական մեկնաբանություններով: Անդրկովկասի բոլոր երեք լեզուներով՝ հայերեն, վրացերեն և ադրբեջաներեն զբաղված նրա երկերը, որոնք հեղինակի խոր հումանիզմի մասին են վկայում և համասարապես հարազատ են Անդրկովկասի ժողովուրդներին, արժանի են հետազայում ևս ամենաթանրամասն հետազոտման:

Բարձր գնահատական է ստացել ակադեմիկոս Ա. Կարինյանի «Ակնարկներ հայ սյարբերական մամուլի պատմության» կապիտալ աշխատությունը: Մեծ հետաքրքրություն են ներկայացնում Անդրկովկասի և Հայաստանի բաշխիկյան մամուլի պատմությանը նվիրված բազմաթիվ աշխատությունները:

Գրականագետների կատարած հետազոտությունների մեջ աչքի ընկնող տեղ է զբաղում աշխարհի բոլոր ժողովուրդների և, ամենից առաջ, ոուս մեծ ժողովրդի և Հայաստանի հետ հնագույն կապերով կապված Վրաստանի ու Ադրբեջանի եղբայրական ժողովուրդների հետ հայ ժողովրդի ունեցած դրամական ու կուլտուրական կապերի սրբությունը: Հրապարակված են մի շարք մենագրություններ, որոնք նվիրված են հայ գրականության զարգացման վրա առանձին ոուս գրողների և հրապարակախոսների ունեցած ազդեցությանը: Հատուկ ուշադրություն է հատկացված այն ոուս գրողներին ու բանաստեղծներին, որոնք իրենց գործունեության ընթացքում սերտորեն կապված են եղել Հայաստանի հետ, աջակցել են հայ-ուսական դրական կապերի ամրապնդմանը, ինչպես օրինակ, Մ. Գորկին, Վ. Բրչուսովը և ուրիշներ:

Սովետահայ գրականագիտության համար բնորոշ է այն մեծ ուշադրությունը, որ հատկացվում է ժողովրդական ֆոլկլորին, ժողովրդական էպոսին, զրույցներին և ժողովրդական ասացվածքներին:

Բոլորին հայտնի է, որ «Սասունցի Դավիթ» հայկական հերոսական էպոսի հաղարամյակը դարձավ համաժողովրդական տոնակատարություն, որին, բացի հայ գրականության գործիչներից, մասնակցեցին բոլոր եղբայրական սովետական ուսուցիչականների գրողները: Հրատարակվել են այդ էպոսի բազմաթիվ պատումները, ֆնչակա և այդ պատումների ուսումնասիրմանը նվիրված հետազոտություններ: Մանրագին բաղդատումից հետո հրատարակվել են մեր էպոսի վերջնական տեքստը և նրա ոուսերեն թարգմանությունը: Կատարված է հայկական հերիաթները ժողովելու և ուսումնասիրելու ահագին աշխատանք: արդեն հրատարակվել են ժողովրդական ստեղծագործության այդ բազմահատոր ժողովածուի երկու հատորը: Պետք է առանձնապես նշել հայկական առածների հավաքման ու սիստեմատիզման վերաբերյալ հսկայական աշխատանքը:

Ներկայումս Հայաստանի գրականագետներն իրենց զլխավոր ուժերը կենտրոնացրել են սովետական շրջանի հայ գրականության ուսումնասիրման վրա: Բացի սովետական առանձին գրողներին նվիրված մենագրություններից, որոնց մի մասն արդեն տպագրվել է, իսկ մյուս մասը լույս կտեսնի հետագայում, պատրաստվում է սովետահայ գրականության պատմության վերաբերյալ հավաքական մեծ աշխատություն:

Արվեստագիտություն: Փառասուն տարվա ընթացքում արվեստագիտության զանազան հարցերից ալելի մանրամասն մշակման են ենթարկվել երաժշտության, թատրոնի պատմության և կերպարվեստների պատմու-

թյան հարցերը: Ուղղորդույն հայ կոմպոզիտորներ Կոմիտասին, Սպենդիարյանին են նվիրված մի ամբողջ շարք հետազոտություններ: Հսկայական նշանակություն ունի հայկական միտձայն երաժշտության վերաբերյալ պրոֆեսոր Քուչնարյանի աշխատությունը: Լուրջ ուշադրության են արժանի հայկական օպերայի պատմության վերաբերյալ հետաքրքիր աշխատանքները:

Ինչպես հայտնի է, հայկական թատրոնն ունի երկհազարամյա պատմություն: Հետաքրքրական է նաև նոր ժամանակի և, հատկապես, սովետական շրջանի հայ թատրոնի պատմությունը: Այդ պատճառով էլ մեր արվեստագետների մի մեծ խումբ զբաղվում է թատրոնի պատմությամբ: Ուղղորդույն հայ արտիստներ Հ. Արելյանին, Սիրանուշին և մյուսներին են նվիրված առանձին մենագրություններ: Կատարվել են սովետահայ դրամատիկ թատրոնի պատմությունը, հայկական օպերայի պատմությունը նվիրված հետաքրքիր ուսումնասիրություններ:

Բաղմաթիվ աշխատություններ են նվիրվել հայկական ինչպես հին ու միջնադարյան, այնպես էլ նոր ճարտարապետության հարցերին, որը ամենաբարձր ծաղկման է հասել սովետական ժամանակաշրջանում: Մեր ճարտարապետների ստեղծագործությունը, սկսած Հոփոսիմեի վանքի ու Զվարթնոցի կերտողներից և վերջացրած Ալեքսանդր Թամանյանով ու ժամանակակից սովետական ճարտարապետներով, դարձել է բաղմաթիվ հետաքրքիր ուսումնասիրությունների առարկա:

Նկարչության պատմության բնագավառում արվեստագետները կատարել են մի շարք մենագրական ուսումնասիրություններ, նվիրված նորագույն ժամանակի տաղանդավոր հայ նկարիչներին, ինչպիսիք են Գևորգ Բաշինջաղյանը, Էդիշ Թադևոսյանը, Մարտիրոս Սարյանը, Հակոբ Կոջոյանը, Աշխատանքներ են կատարվում կիրառական այնպիսի արվեստների պատմության վերաբերյալ, ինչպիսին են գորգագործությունը, գեղարվեստական կերամիկայի և ապակու արտագործությունը և այլն:

Պատմագիտություն և հնագիտություն: Հասարակական գիտությունների սիստեմում պատմությունը և հնագիտությունը կարևորագույն տեղերից մեկն են զբաղում: Այդ գիտցիպլիններին են նվիրված մեր գիտնականների շատ աշխատություններ: Վերջին խոսվեց ակադեմիկոս Հ. Մանանդյանի աշխատությունների մասին: Նյա աշխատություններից հետո խոշոր քայլ հանդիսացավ Գիտությունների ակադեմիայի Պատմության ինստիտուտի հրապարակած Հայաստանի պատմության դասագիրքը, որն առաջին անգամ շարադրվել է՝ ելնելով հետևյալից: Դրանով մարքսիստական զրոյությունը:

Մեծ ուշադրություն է նվիրվել զանազան սոցիալական շարժումներին, որոնք առաջացել են Հայաստանի պատմության ամենատարբեր ժամանակաշրջաններում: Այսպես, հրապարակվել են Հայաստանի պալլիկյանների և թոնդրակեցիների շարժումներին նվիրված աշխատություններ: Ակադեմիկոս Արզուր Հովհաննիսյանի զրչին են պատկանում Հովսեփ Էմինին և XVIII դարի վերջերի հայ ազատագրական շարժմանը նվիրված աշխատությունները: Նրան, ինչպես և ուրիշ մի ամբողջ շարք գիտնականներին ենք պարտական այն աշխատանքների համար, որ նրանք կատարել են Արևելյան Հայաստանը Ռուսաստանին միանալու հարցի շուրջը: Այդ կարևորագույն իրադարձությունը շարունակում է այժմ ևս զբաղել պատմաբանների ուշադրությունը, քանի որ դա հսկայական պրոգրեսիվ նշանակություն է ունեցել հայ ժողովրդի ճակատագրի

համար: Բնական է նույնպես, որ մեծ ուշադրություն է դրավել Ռուսաստանին միանալուն նախորդած ժամանակաշրջանի հայ-ռուսական հարաբերությունների պատմության պրոբլեմը: Այդ հետազոտությունները թույլ տվին երևան հանել այն ամենահարուստ նյութերը, որոնք վկայում են, որ հայ հասարակության բոլոր դասակարգերի մեջ արդեն XVII—XVIII դարերում լճականորեն զերակշռել է ռուսական կողմնորոշումը: Հայաստանի՝ Ռուսաստանին միանալու պահից սկսած հայ ժողովուրդը սկսում է մասնակցել Ռուսաստանի բոլոր ժողովուրդների համատեղ պայքարին ընդդեմ ինքնակալության և ընդդեմ բուրժուա-կալվածատիրական հասարակարգի: Բնական է, որ պատմաբանների ուշադրությունն այստեղ կենտրոնանում է դյուղացիական շարժման վրա, իսկ ավելի ուշ ժամանակաշրջանին անցնելիս՝ բանվորական շարժման ծագման ու զարգացման վրա: Որպես օրինակ կարելի է բերել այն հետազոտությունը, որ նվիրված է Հայաստանը Ռուսաստանին միանալուն անմիջականորեն հաջորդած ժամանակաշրջանին: Դա ակադեմիկոս Մ. Գ. Ներսիսյանի «Դեկարրիստները Հայաստանում» աշխատությունն է: Այդ աշխատության մեջ լուսարանվում են դեկարրիստների հումանիստական աշխարհայացքի շատ մանրամասնությունները, նրանց մեծ համակրանքը ճնշված ժողովուրդների և, մասնավորապես, Հայաստանի ճնշված ժողովրդի նկատմամբ:

Անցյալ դարի 60-ական և 70-ական թվականների հասարակական հոսանքների ուսումնասիրությանն է նվիրված ակադեմիկոս Աշոտ Հովհաննիսյանի աշխատությունը Միքայել Նալբանդյանի մասին:

Առանձին աշխատությունների մեջ մանրամասնորեն լուսարանված են մարքսիստական կազմակերպությունների պատմությունը XIX դարի վերջին և առաջին ռուսական ռեոլյուցիայի ժամանակաշրջանում: Առանձնապես մեծ ուշադրություն է նվիրվել Հայաստանում Սովետական իշխանության հաստատման պատմությանը, ինչպես նաև Հայաստանի Կոմունիստական պարտիայի գործունեությանը անցած 40 տարում:

Բազմաթիվ աշխատություններ են նվիրված բոլշևիկյան պարտիայի խորշորագույն գործիչներ Սպանդարյանին, Շահումյանին, Կնունյանցին, Մյասնիկյանին, Կամոյին (Տեր-Պետրոսյանին), ռեոլյուցիոն շարժման ականավոր այլ գործիչներին, Հայաստանում տեղի ունեցած Մայիսյան ապստամբության հերոսներին, մեր երկրում սոցիալիզմի կառուցման համար մղվող պայքարի կազմակերպիչներին:

Հայաստանի պատմության հին և միջնադարյան ժամանակաշրջանի խոր ուսումնասիրության համար կարևորագույն նշանակություն ունեն հնագիտական պեղումները: Անցած 40 տարում Հայաստանի տարբեր շրջաններում կարևորագույն պատմական օբյեկտների շատ ինտենսիվ պեղումներ են կատարվել:

Այդ օբյեկտների թվին են պատկանում այնպիսի հին հուշարձաններ, ինչպես Գառնու հին բերդը, Արագածի լանջերին կառուցված Համբերդ ամրոցը, Դվին միջնադարյան մայրաքաղաքը: Այդ բոլոր պեղումները շատ հարուստ արդյունքներ են տվել և պատմական գիտությունը հարստացրել են նոր կարևոր տվյալներով: Պեղումների օբյեկտներից մի քանիսը գիտությանը հայտնի դարձան միայն սովետական ժամանակաշրջանում: Դրանք են, օրինակ, Թեյշեբաինի (Կարմիր-բլուր) ուրարտական բերդը, Արինբերդ ապարանքը, Լճաշենի դամբարանները և շատ ուրիշներ: Այդ հուշարձաններից մի քանիսի

հետազոտությունները համաշխարհային հռչակ են ձեռք բերել և ահագին գեր են խաղացել հայ ժողովրդի և Ուրարտական պետության պատմության հարցերի լուծման տեսակետից: Պեղումների ճիշտ պլանավորման ու կատարման դործում հսկայական ծառայություն են մատուցել ակադեմիկոս Հ. Օրբելին: Հայկական ՍՍՌ ԳԱ թղթակից անդամ Բ. Պիոտրովսկին, պատմական գիտությունների դոկտոր Կ. Ղաֆադարյանը: Հնագիտական պեղումների կատարման թափը հասել է այնպիսի մակարդակի, որի մասին մինչև ունյուցիան չէր էլ կարելի երազել: Կատարված աշխատանքի արդյունքներն այնքան արժեքավոր են, որ արդարացնում են այդ հետազոտությունների հետագա էլ ավելի բնդլայնումը:

Հնագիտական պեղումների, ինչպես նաև մշակույթի մյուս հուշարձանները գիտականորեն հետազոտելու և վերլուծելու համար մեծ նշանակություն ունի Պատմական թանգարանը, որ ստեղծվեց ու մեծ զարգացում ստացավ Սովետական իշխանության տարիներին: Այնտեղ պահվում են Հայաստանում բարե դարի ժամանակաշրջանին, բրոնզե դարին, Ուրարտական պետությանը, Հայաստանի հին, միջնադարյան և նոր պատմությանը վերաբերող առարկաներ: Թանգարանի աշխատակիցները մեծ չափով տիրապետում են այդ հուշարձաններն ուսումնասիրելու նոր, առավել հուսալի մեթոդներին: Ներկայումս Հայկական ՍՍՌ Գիտությունների ակադեմիայի Պատմական թանգարանը Սովետական Միության ամենահետաքրքիր պատմական թանգարաններից մեկն է:

Տ ն տ ե ս ա գ ի տ ու ր յ ու մ: Վերջին տարիները ավելի ու ավելի մեծ նշանակություն են ձեռք բերում ուսպուրլիկայում կատարվող տնտեսագիտական հետազոտությունները: Արդեն կատարված աշխատանքների թվին են պատկանում Հայաստանի XIX դարի, ինչպես նաև սովետական ժամանակաշրջանի տնտեսական զարգացման պատմությանը վերաբերող աշխատությունները: Գրված են մենագրություններ ու հոդվածներ, որոնք վերաբերում են Հայաստանում տնտեսագիտական մտքի զարգացման պատմությանը: Սակայն տնտեսագիտական հետազոտությունների մեջ առավել արժեքավոր են այն աշխատությունները, որոնք նվիրված են Սովետական Հայաստանի տնտեսության զարգացման ընթացիկ հարցերին ինչպես նախապատերազմյան, այնպես էլ հետպատերազմյան ժամանակաշրջաններում: Այդ աշխատանքների մեջ պետք է ամենից առաջ նշել Սևան-Հրազդան կասկադի ամբողջ պրոբլեմի տնտեսական մասի մշակումը: Հայկական ՍՍՌ ԳԱ Տնտեսագիտության ինստիտուտում կատարվել են արդյունաբերության զարգացման առանձին պրոբլեմներին նվիրված հետազոտություններ: Այսպես, օրինակ, Գիտությունների ակադեմիայի քիմիկոսները մշակել են Հրազդանի շրջանի նեֆելինային սիենիտների օգտագործման նոր, տեխնոլոգիապես առաջադեմ ու շահավետ եղանակ, իսկ Տնտեսագիտության ինստիտուտը մշակել է բարդ արդյունաբերական այն կոմպլեքսի ամբողջ էկոնոմիկան, որ ստեղծվում է Հրազդանի շրջանում: Տնտեսագիտության ինստիտուտը շատ ջանքեր է նվիրել Հայաստանում մեքենաշինության զարգացման, կապիտալ ներդրումների արգասավորության, արդյունաբերական սարքավորումը ճիշտ օգտագործելու և այլ հարցերին:

Կոմունիզմի նյութա-տեխնիկական բազան ստեղծելու ժամանակաշրջանում, երբ մեր պետության սոցիալիստական հասարակարգի պայմաններում նոր արտադրական հարաբերությունների հիմքի վրա զարգացող տնտեսությու-

նր հիմնվում է դիտության և տեխնիկայի ամենավերջին նվաճումների վրա, որոնցից շատերը դեռևս չեն օգտագործվում կապիտալիստական երկրներում, — տնտեսագիտական հետազոտությունների նշանակությունն զգալիորեն աճում է: Միայն ժողովրդական տնտեսության զարգացման նոր, շուտումնասիրված ուղիների խոր դիտական վերլուծությունը կարող է ամուր հիմք ծառայել արդյունարերության, տրանսպորտի և գյուղատնտեսության զարգացման սղաններ ստեղծելու համար: Այդ վերլուծության մեջ զգալի դեր պետք է խաղան քանակական հարաբերակցությունների հետազոտությունները, մի բան, որ հնարավոր չէ առանց նուրբ և երբեմն բարդ մաթեմատիկական մեթոդների կիրառման: Ուստի մեր տնտեսագետները պարտավոր են լայնորեն օգտագործել ժամանակակից մաթեմատիկայի և հաշվողական տեխնիկայի մեթոդները: Այդ մեթոդները պետք է կիրառվեն ոչ միայն փճակազրական տվյալները վերլուծելիս, այլև սղանավորման մեթոդները մշակելիս, ինչպես նաև տնտեսության տարբեր ճյուղերը կոնկրետ ձևով սղանավորելիս: Նրանք մեծ նշանակություն են ձեռք բերում նաև նոր արտադրություններ նախագծելիս և նոր արդյունաբերական կոմպլեքսներ ստեղծելիս: Դժգոխտաբար մեր ռեսպուբլիկայում այդ ուղղությամբ աշխատանքը դեռ նոր է սկսվում: Պետք է ցանկանալ, որ նա ամենաարագ զարգացում ստանա:

Գիտության զարգացման ամենակարևոր սղանմաններից մեկն էլ, ինչպես հայտնի է, տարրեր մասնագիտությունների գծով դիտական ամսագրերի ստեղծումն է: Հասկանալի է, որ ռեուլյուցիայից առաջ խոսք անգամ չէր կարող լինել Հայաստանում որևէ դիտական հանդեսի կանոնավոր հրատարակման մասին: Հենց որ Սովետական Հայաստանում կադմակերպվեցին առաջին դիտական հիմնարկներն ու բարձրագույն ուսումնական հաստատությունները, առաջին անգամ երևան եկան սղարերական ու ոչ-սղարերական դիտական տղագիր օրգաններ: Սակայն այդ գործը անհրաժեշտ կարգավորման հասավ միայն ռեսպուբլիկայում Գիտությունների ակադեմիա կադմակերպվելուց հետո: Ներկայումս Գիտությունների ակադեմիան տղագրում է մի շարք դիտական հանդեսներ և ձգտում է, որ նրանցից յուրաքանչյուրն ունենա իր որոշակի դեմքը: Այդ պաթերականներում տղագրվում են ոչ միայն հայ դիտականների, այլև եղբայրական ռեսպուբլիկաների շատ դիտական աշխատողների հողվածները: Կանոնավոր կերպով յույս տեսնող դիտական հանդեսի օրինակ կարող են ծառայել Հայկական ՍՍՌ Գիտությունների ակադեմիայի «Զեկույցները»: Գիտությունների ակադեմիան հիմնվելու սղահից մինչև հիմա յույս է տեսել այդ հանդեսի 150 համար: Նրա ծալալն ալելի ու ալելի է ընղղայնվում:

Կասկած չկա, որ ամենամոտ տարիներում մենք կունենանք ռեսպուբլիկայում հրատարակվող դիտական հանդեսների քանակի ու ծալալի հետագա աճ, որն արտացոլում է դիտական հետազոտությունների անշեղ ընղղայնումը:

* * *

Ներկա ակնարկի նղատակն այն չէր, որ տայինք Սովետական Հայաստանում դիտության սղատմության թեկուղ համառոտ ուրղաղիծը, և ոչ էլ այն, որ լիովին բնութղաղրելինք Հայաստանի դիտական աշխատողների մտղրած տղանղը սովետական և համաշխարհային դիտության մեջ: Մեր նղատակն էր միայն բնութղաղրել, մեծ մասամբ առանձին օրինակներով, դիտական աշխա-

տանքի թափն ու մակարդակը ռեսպուբլիկայում: Ներկայումս Հայկական ՍՍՐ-ի Գիտությունների ակադեմիայում ստեղծված է գիտության ու տեխնիկայի պատմության խորհուրդ: Մեզ թվում է, որ այդ խորհրդի կարևորագույն խնդիրը պետք է լինի Սովետական Հայաստանում գիտության զարգացման պատմության մանրամասն ուսումնասիրումը փաստական տվյալների մանրադնին հետազոտման վրա: Իսկ շատ զԺվար խնդիր է, քանի որ գիտական հետազոտությունների թափն ու բազմազանությունը շարունակ մեծանում են: Գիտությանը առաջադրվող պահանջներն օրեցօր աճում են, և ինչպես էլ լինեն հետագա զարգացման կոնկրետ պլանները, նրանք անկասկած իրենց լայնությունով աննախընթաց են լինելու:

Տիեզերական թռիչքների և կիրերնետիկայի մեր զարում հիմնական գիտական հայտնագործությունները նրանց գործնական կիրառումից բաժանող ժամկետները խիստ կրճատվել են: Գիտական մեծ հայտնագործության արմատավորումը կյանքում, իր հերթին, նոր պահանջներ է առաջադրում գիտությանը և հարկադրում արագացնել գիտական պրոբլեմների լուծման տեմպերը: Իրա հետևանքով, մենք պետք է նախատեսենք գիտության շարունակ արագացող զարգացումը ժամանակակից հասարակության մեջ: Ամենամոտիկ տասնամյակներում գիտության զարգացման տեմպերը հատկապես արագ պետք է լինեն մեր երկրում, որն իր առջև կոմունիզմի կառուցման խնդիրն է դրել: Այդ նշանակում է, որ անցյալում համեմատաբար փոքր նյութական միջոցներ պահանջող գիտությունը այժմ կսկսի պետության նյութական միջոցների ավելի ու ավելի նկատելի մասը կլանել: Ճիշտ է, դա իրնի միջոցների ամբողջովին արդարացված ներդրում, քանի որ դրանք ժողովրդին կվերադարձվեն վերագրով: Սակայն ակներև է դառնում, որ այդ միջոցների ավելի ռացիոնալ ծախսումը, այսինքն՝ գիտության լավագույն պլանավորումը անհամեմատ ավելի մեծ էֆեկտ կտա: Լ՛նդամին խոսքը, իհարկե, վերաբերում է ոչ միայն մեր ռեսպուբլիկայի մասշտաբով, այլ նաև ամբողջ Սովետական Միության մասշտաբով գիտության զարգացման պլանավորմանը:

Մեր մեծ երկրում առաջին անգամն է սկսվել գիտական հետազոտությունների պլանավորումը: Այդ պլանավորումը օգնեց մեզ գիտության շատ բնագավառների ամենաարագ զարգացման գործում: Սակայն գիտության պլանավորման խնդիրները այսօր առանձնապես բարդացել են միմյանց զուգահեռ ընթացող երկու հակադիր պրոցեսների, այն է՝ գիտցիսլինների մասնագիտացման և նրանց փոխներկափանցման հետևանքով: Ավելի ու ավելի շատ առանձին պլանի վրա են զրվում այն պրոբլեմները, որոնք մի շարք գիտցիսլինների ներկայացուցիչների համատեղ աշխատանք են պահանջում: Այս ամենի հետևանքով ինքը՝ գիտության պլանավորումը խոր գիտական մոտեցում է պահանջում: Հետևաբար, պետք է զարգացնել գիտությամբ պլանավորման գիտությունը, ընդ որում այդ գիտության մեջ մոտեցումը տարրեր գիտցիսլինների պլանավորման նկատմամբ կարող է և պետք է միանգամայն տարրեր լինի:

Կասկած չկա, որ գիտության պլանավորման սկզբունքը սովետական գիտնականներին թույլ կտա հետադաշում ևս ապահովել զարգացման արագ տեմպը և նոր, է՛լ ավելի աչքի ընկնող հաջողություններ: Ուստի մենք հավատացած ենք, որ առաջիկա նոր տասնամյակները կհանգեցնեն գիտության հսկայական բնդլայնմանն ու նոր ծաղկմանը Սովետական Միության բոլոր ռեսպուբլիկաներում և այդ թվում՝ Սովետական Հայաստանում: